



Broj:04-45-726-2/24  
Mostar, 08. 07. 2024

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
PREDSTAVNIČKI/ZASTUPNIČKI DOM  
Predsjedavajući/Predsjedatelj

Hamdije Kreševljakovića br. 3  
71000 Sarajevo  
n/r gospodina Dragana Miokovića, predsjedavajućeg

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

Primljeno: 10-07-2024			
Org. jed.	Broj	Priloga	Vrijednost
05/1	-02-	353	124

PREDMET: **Odgovor**

Veza: Vaš dopis broj 05/1-02-353/24 od 27.6.2024. godine

Poštovani,


Regulatorna komisija za energiju u Federaciji Bosne i Hercegovine – FERK je 4.7.2024. godine primila pod brojem 04-45-726-1/24 Vaš dopis, a u njegovom prilogu ste dostavili zastupničko pitanje na nadležni postupak, koje pitanje je postavila zastupnica Marijana Hrvic - Šikuljak na 12. redovnoj sjednici Zastupničkog doma Parlamenta Federacije Bosne i Hercegovine održanoj 26.6.2024. godine. Zatražen je odgovor na navedeno zastupničko pitanje u roku od 15 dana od dana kada je postavljeno zastupničko pitanje. Pitanje glasi: „Da li će doći do poskupljenja struje u Federaciji BiH obzirom da su oba doma Federalnog parlamenta potvrdila imenovanja novog sastava Regulatorne komisije za energiju (FERK), u kojem procentu i zašto?“.

Ostajući u okviru svojih nadležnosti propisanih Zakonom o električnoj energiji Federacije Bosne i Hercegovine („Službene novine Federacije BiH“, broj 60/23) obavještavamo Vas o sljedećem:

FERK je 28.6.2024. godine na XV redovnoj sjednici usvojio Odluku o davanju saglasnosti JP Elektroprivreda BiH d.d. - Sarajevo na prijedlog cijena snabdijevanja krajnjih kupaca kod javnog snabdjevača („Službene novine Federacije BiH“, broj 50/24). Predloženo prosječno povećanje za kupce iz kategorije potrošnje „domaćinstva“ iznosi 10,04%, dok prosječno povećanje za kupce iz kategorije „ostala potrošnja“ iznosi 7,29%. Ova odluka primjenjuje se od 1.8.2024. godine. U navedenoj odluci obrazloženi su i razlozi za donošenje iste.

Za dodatna pitanja iz nadležnosti FERK-a, stojimo na raspolaganju.

Sa poštovanjem,



PREDSJEDAJUĆI FERK-a  
Samir Hadžibusejnović

Prilog:

- Odluka o davanju suglasnosti JP Elektroprivreda BiH d.d. - Sarajevo na prijedlog cijena snabdijevanja krajnjih kupaca kod javnog snabdjevača, broj: 07-13-2-607-5/23 od 28.6.2024. godine

Dostaviti:

- Naslovu



Broj: 07-13-2-607-5/24  
Mostar, 28.06.2024. godine

Na osnovu člana 109. stav (3) i člana 169. stav (1) Zakona o električnoj energiji Federacije Bosne i Hercegovine („Službene novine Federacije BiH“ broj 60/23), člana 11. stav (3) Pravilnika o metodologiji za utvrđivanje cijena za snabdijevanje električnom energijom krajnjih kupaca kod javnog i rezervnog snabdjevača („Službene novine Federacije BiH“ broj 22/24) i Odluke Vlade Federacije BiH o utvrđivanju pružaoca javne/univerzalne usluge i usluge rezervnog snabdjevača („Službene novine Federacije BiH“ broj 84/14), Regulatorna komisija za energiju u Federaciji Bosne i Hercegovine - FERK je na XV redovnoj sjednici održanoj 28.6.2024. godine donijela

### ODLUKU

**o davanju saglasnosti JP Elektroprivreda BiH d.d. - Sarajevo na prijedlog cijena snabdijevanja krajnjih kupaca kod javnog snabdjevača**

#### Član 1.

- (1) Daje se saglasnost JP Elektroprivreda BiH d.d. – Sarajevo, kao imaocu dozvole za snabdijevanje električnom energijom - dozvole I reda i javnom snabdjevaču na prijedlog cijena snabdijevanja krajnjih kupaca kod javnog snabdjevača, sadržane u Prilogu 1 Odluke o utvrđivanju prijedloga cijena javne usluge snabdijevanja Javnog preduzeća Elektroprivreda Bosne i Hercegovine d.d.– Sarajevo broj: NO-16330/24-35./8. od 24.05.2024. godine.
- (2) Odluka o utvrđivanju prijedloga cijena javne usluge snabdijevanja Javnog preduzeća Elektroprivreda Bosne i Hercegovine d.d. – Sarajevo broj: NO-16330/24-35./8. od 24.05.2024. godine iz stava (1) ovog člana, sa Prilogom 1 te odluke, sastavni je dio ove odluke i nalazi se u prilogu iste.

#### Član 2.

JP Elektroprivreda BiH d.d. – Sarajevo, kao imalac dozvole za snabdijevanje električnom energijom - dozvole I reda i javni snabdjevač, obavezno je na svojoj službenoj internetskoj stranici objaviti cijene snabdijevanja krajnjih kupaca koje uključuju cijenu nabavke električne energije, cijenu usluge snabdijevanja javnog snabdjevača, kao i tarife za korištenje distributivne/prenosne mreže.

#### Član 3.

Početkom primjene ove odluke prestaje važenje Odluke broj: 07-13-2-471-2/24 od 29.04.2024. godine („Službene novine Federacije BiH“ broj 34/24).

## Član 4.

Ova odluka stupa na snagu osmog dana od dana objavljivanja u „Službenim novinama Federacije BiH“, a primjenjivat će se od 01.08.2024. godine.

**Obrazloženje**

Članom 109. Zakona o električnoj energiji Federacije Bosne i Hercegovine propisano je, pored ostalog, da cijene snabdijevanja krajnjih kupaca kod javnog snabdjevača predlaže javni snabdjevač na način propisan metodologijom za utvrđivanje cijena za snabdijevanje električnom energijom krajnjih kupaca kod javnog i rezervnog snabdjevača iz pravilnika koji donosi FERK, a na koji prijedlog saglasnost daje FERK, kao i da izuzetno FERK može samostalno utvrditi cijene za javno snabdijevanje ukoliko predložena cijena nije u skladu sa navedenom metodologijom. U vezi navedenog članom 11. Pravilnika o metodologiji za utvrđivanje cijena za snabdijevanje električnom energijom krajnjih kupaca kod javnog i rezervnog snabdjevača propisano je da javni snabdjevač predlaže cijene za snabdijevanje krajnjih kupaca kod javnog snabdjevača u skladu sa metodologijom za utvrđivanje cijena snabdijevanja kod javnog snabdjevača, koja je utvrđena tim pravilnikom, kao i da ove cijene moraju biti predložene FERK-u najkasnije 60 dana prije planirane primjene istih, te da FERK daje saglasnost na predložene cijene, a u slučaju da cijene koje je predložio javni snabdjevač nisu utvrđene u skladu sa navedenom metodologijom FERK neće dati saglasnost na predložene cijene, u kojem slučaju FERK samostalno utvrđuje cijene za javno snabdijevanje. Istim članom je propisano i da je javni snabdjevač, nakon dobijanja saglasnosti FERK-a na predložene cijene, odnosno nakon što FERK utvrdi cijene, obavezan na svojoj službenoj internet stranici objaviti cijene snabdijevanja kod javnog snabdjevača koje uključuju cijenu nabavke električne energije, cijenu usluge snabdijevanja javnog snabdjevača, kao i tarife za korištenje distributivne/prenosne mreže

Članom 169. stav (1) Zakona o električnoj energiji u Federaciji Bosne i Hercegovine propisano je da do imenovanja javnog i rezervnog snabdjevača u skladu sa odredbama tog zakona, funkcije javnog i rezervnog snabdjevača vrše subjekti određeni Odlukom Vlade Federacije o utvrđivanju pružalaca javne/rezervne usluge i usluge rezervnog snabdjevača, V broj 1811/2014 od 8. oktobra 2014. godine („Službene novine Federacije BiH“ broj 84/14). Vlada Federacije Bosne i Hercegovine je navedenom odlukom JP Elektroprivreda BiH d.d. – Sarajevo, kao nosiocu dozvole za snabdijevanje električnom energijom – dozvole I reda, dodijelila status javnog snabdjevača sa obavezom pružanja javne/univerzalne usluge snabdijevanja električnom energijom i usluge rezervnog snabdjevača na području svog djelovanja.

Na osnovu naprijed navedenih odredbi, JP Elektroprivreda BiH d.d. – Sarajevo je dostavilo FERK-u 27.05.2024. godine svoju Odluku o utvrđivanju prijedloga cijena javne usluge snabdijevanja Javnog preduzeća Elektroprivreda Bosne i Hercegovine d.d. – Sarajevo broj: NO-16330/24-35./8. od 24.05.2024. godine zaprimljenu pod brojevima 07-13-2-607-1/24 i 07-13-2-607-2/24, gdje je u Prilogu I utvrđen prijedlog cijena snabdijevanja krajnjih kupaca kod javnog snabdjevača.

U cilju pravilnog i pravodobnog informiranja kupaca električne energije, FERK je obavijestio javnost o podnesenom prijedlogu cijena snabdijevanja krajnjih kupaca kod javnog snabdjevača JP Elektroprivreda BiH d.d. – Sarajevo preko svoje službene internet stranice, na kojoj je javnosti bio dostupan i sam prijedlog sa pratećom dokumentacijom i pojašnjenjima.

Nadalje, FERK je JP Elektroprivreda BiH d.d. – Sarajevo uputio Zahtjev za informacijama broj 07-13-2-607-3/24 od 11.6.2024. godine u kojemu je traženo obrazloženje troška usluge snabdijevanja i načina utvrđivanja proizvodnih cijena po različitim tehnologijama.

Postupajući po navedenom Zahtjevu za informacijama JP Elektroprivreda BiH d.d. - Sarajevo je dostavilo odgovore i pojašnjenja koji su zaprimljeni u FERK 14.6.2024. godine pod brojem 07-13-2-607-4/24.

Članom 12. Pravilnika o metodologiji za utvrđivanje cijena za snabdijevanje električnom energijom krajnjih kupaca kod javnog i rezervnog snabdjevača propisano je da se cijene snabdijevanja kod javnog snabdjevača sastoje od cijene nabavke električne energije, cijene usluge snabdijevanja javnog snabdjevača i cijene korištenja distributivne/prenosne mreže. U skladu sa članom 19. istog pravilnika javni snabdjevač je obavezan uz prijedlog cijena snabdijevanja kod javnog snabdjevača dostaviti FERK-u obrazloženje i sve potrebne dokaze kojima se može potvrditi struktura troškova javnog snabdjevača, ekonomičnost nabavke električne energije, kao i način određivanja cijena snabdijevanja kod javnog snabdjevača, a kao dokaze za navedeno javni snabdjevač ima obavezu uz prijedlog cijena snabdijevanja kod javnog snabdjevača dostaviti i popunjene tabele iz Priloga 1 tog pravilnika.

Prijedlog cijena snabdijevanja krajnjih kupaca kod javnog snabdjevača iz Priloga 1 Odluke o utvrđivanju prijedloga cijena javne usluge snabdijevanja Javnog preduzeća Elektroprivreda Bosne i Hercegovine d.d. – Sarajevo broj: NO-16330/24-35./8. od 24.05.2024. godine se zasniva na planiranoj potrošnji aktivne električne energije i obračunske snage za kupce koji će se snabdijevati kod javnog snabdjevača. JP Elektroprivreda BiH d.d. – Sarajevo, kao javni snabdjevač, osigurava potrebnu energiju i snagu za kupce koji imaju pravo snabdijevanja kod javnog snabdjevača po prosječnoj cijeni od 86,87 KM/MWh. Ulazna cijena energije za izračun cijena snabdijevanja kupaca iz kategorije potrošnje domaćinstvo je 76,86 KM/MWh, a za kupce iz kategorije potrošnje ostala potrošnja je 122,81 KM/MWh.

Na osnovu dostavljenih podataka o planiranom broju kupaca, planu isporuke električne energije, planu obračunske snage, iz Priloga 1, godišnji trošak nabavke energije za kupce koji se snabdijevaju kod javnog snabdjevača sa troškom usluge snabdijevanja planiran je u iznosu od 295,143 miliona KM. Trošak korištenja distributivne i prenosne mreže u ukupnom iznosu od 220,175 miliona KM utvrđen je primjenom tarifnih stavova za korisnike distributivnog sistema iz Odluke o tarifnim stavovima za korisnike distributivnog sistema Javnog preduzeća Elektroprivreda Bosne i Hercegovine d.d.– Sarajevo. Ukupan trošak za snabdijevanje kupaca kod javnog snabdjevača na godišnjem nivou planiran je u iznosu 515,319 miliona KM.

Prijedlog cijena snabdijevanja kod javnog snabdjevača Javno preduzeće Elektroprivreda Bosne i Hercegovine d.d. – Sarajevo glasi:

CIJENA USLUGE JAVNOG SNABDJEVAČA - JPEPBİH										
TARIFNI ELEMENTI	JEDINICE MJERE	DIFERENCIJANJE	DOMAĆINSTVA		OSTALA POTROŠNJA					JAVNA RASVJETA
			I tar. grupa	II tar. grupa	I tar. grupa	II tar. grupa	III tar. grupa	IV tar. grupa	V tar. grupa	
1	2	3	4	5	6	7	8	9	10	11
MJERNO MJESTO KUPCA	KM		4,80	4,80	9,65	6,90	4,80	4,80	6,90	6,00
OBR. SNAGA	KM/kW/mjesec		0,00	0,00	15,02	0,00	0,00	0,00	0,00	0,00
AKTIVNA ENERGIJA	fening/kWh	VEĆI	15,00	18,75	16,85	26,31	15,00	18,75	21,05	21,09
		MANJI		9,37				8,43		
PREKOMJERNO PREUZETA REAKTIVNA ENERGIJA	fening/kvarh		0,00	0,00	3,22	0,00	0,00	0,00	0,00	0,00

Prosječna promjena cijene snabdjevanja kod javnog snabdjevača po kategorijama i grupama potrošnje iznosi:

kategorije i grupe potrošnje	promjena cijene (%)
0,4 kV - domaćinstva I TG	10,07%
0,4 kV - domaćinstva II TG	10,03%
<b>0,4 kV - domaćinstva - ukupno</b>	<b>10,04%</b>
0,4 kV - ostala potrošnja I TG	4,78%
0,4 kV - ostala potrošnja II TG	9,39%
0,4 kV - ostala potrošnja III TG	10,07%
0,4 kV - ostala potrošnja IV TG	11,07%
0,4 kV - ostala potrošnja V TG	9,13%
<b>0,4 kV - ostala potrošnja - ukupno</b>	<b>7,29%</b>
<b>UKUPNO</b>	<b>9,30%</b>

U cijenu snabdjevanja krajnjih kupaca kod javnog snabdjevača nisu ukalkulisane propisane naknade i iznos poreza na dodatu vrijednost koje su javni snabdjevači obavezni evidentirati na svakom pojedinačnom računu krajnjeg kupca, u skladu sa važećim propisima.

Na osnovu pažljive analize dostavljenog prijedloga cijena snabdjevanja krajnjih kupaca kod javnog snabdjevača, FERK je utvrdio da je prijedlog cijena snabdjevanja krajnjih kupaca kod javnog snabdjevača, sadržan u Prilogu 1 Odluke o utvrđivanju prijedloga cijena javne usluge snabdjevanja Javnog preduzeća Elektroprivreda Bosne i Hercegovine d.d. – Sarajevo broj: NO-16330/24-35./8. od 24.05.2024. godine, utvrđen u skladu sa metodologijom za utvrđivanje cijena snabdjevanja kod javnog snabdjevača koja je propisana Pravilnikom o metodologiji za utvrđivanje cijena za snabdjevanje električnom energijom krajnjih kupaca kod javnog i rezervnog snabdjevača, te je odlučeno kao u dispozitivu ove odluke.



Dostaviti:

- JP Elektroprivreda BiH d.d. – Sarajevo (poštom preporučeno uz dostavnicu)
- Sektoru za tarife i tržište